



Medlemmer af Inatsisartut  
Sivert K. Heilmann og Knud Kristiansen, Atassut  
/Her

### § 37-mik apeqqut nr. 2011-64-imut akissut pillugu

Inatsisartunut ilaasortat Atassummeersut Siverth K. Helimann aamma Knud Kristiansen  
apeqqutigisaannut qutsavigerusuppakka.

### Inuit pisinnaatitaaffiisa illersornissaannik suliaq sumut killippa?

Inuit pisinnaatitaaffiisa illersornissaannik Naalakkersuisut suliaqartuarpot. Taamaalilluni  
ataatsimiinnermi matumani pisinermut inatsisip, atuisartunut inatsimmut, isumaqatigiis-  
sutillu ilaannik, kiisalu ernianut inatsimmi aamma taarsisussaannermut akisussaaffimmut  
inatsimmut allannguutit atuutsilernissaat pillugit aalajangersakkanut oqaaseqaatit pillugit  
Inatsisartut aalajangiisinissaannik siunnersuutiniq saqqummiussisoqassaaq. Tamakku  
saniatigut Inatsisartut 2011-mi ukiakkut ataatsimiinnissaannut ussassaaruteqarnermut  
inatsimmut nutaamut siunnersuummik Naalakkersuisut saqqummiussaqaarsinnaanertik  
naatsorsuutigaat. Inatsisitigut iliuutsit nutaat taakku Nunatsinni atuisartut pisinnaatitaaf-  
fiinik pitsaannerusumik illersuinissaq isumannaassavaat.

Inatsisartuni ilaasortat assersuut innersuutigisaat pillugu apeqqutaavoq kingornussiner-  
mut inatsimmi malittarisassiat naapertorlugit aalajangiiffigineqartussaq.

Kingornussisussatut kingornussassat taarsigassarissallu akuerisimagaanni toqusup taar-  
sigassarisaanik kingornussisoqartarpoq. Taamaattumik toqusimasup pisartagarisinnaa-  
sai, ilanngullugit ilaatigut oqarasuaateqarnermut isumaqatigiissutit atorunnaarsinnissai  
pingaaruteqarpoq, taamaalilluni ingerlatsivinnit sullississutit akileeqqusissutillu unitsin-  
neqarniassammata.

Kingornussisussap kingornussassat taarsigassallu akuerisimangippagit kingornussi-  
sussaq akisussaassanngilaq. Najugaqarfiusimasoq pigisanik agguaassisarnermut eq-  
qartuussivimmi naammassineqarsimangippat akiligassaq tassunga nassiunneqassaaq.

Assersuummut pineqartumut atuisartunut eqqartuussisarnikkut inatsisaasunut maanna  
atuuttuni imaluunniit atuutilersussani atuisartuunermut tunngatillugu illersuutissaqarto-  
qanngilaq. Tamanna kingornussinermut inatsimmi malittarisassiat aallaavigalugit aaqii-  
vigineqarsinnaallunilu aaqiivigineqartassaaq.

Inussiarnersumik inuulluaqqusilluta

Ove Karl Berthelsen

14. marts 2011  
Sagsnr. 2011-047405  
Dok. Nr. 585566

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.nanoq.gl